



秦隱君集


五言律詩

秋晚拾遺朱放訪山居

不逐時人後終年獨閉關
家中貧自樂石上卧常閒
墾粟添新味殘花帶老顏
侍臣當獻納那得到空山

題女道士居

不餌住雲溪休丹罷藥畦
杏花虛結子石髓任成泥
掃地青牛卧栽松白鶴棲
共知仙女



麗莫是阮郎妻

山中枉張宙負外書期訪衡門

常恨相知晚朝來枉數行
卧雲驚聖代拂石
候仙郎時果連枝
熟春醪滿甕香貧家仍有
趣山色滿湖光

常山贈張正則評事

終年避喧思常事
五千言流水閑過院
春風與閉門
山葵邀上客桂實落華軒
莫強教余起微官不足論

題鏡湖野老所居

湖裏尋君去樵風往返吹
樹暄巢鳥出路細
田移漚苧成魚網
枯根是酒卮老年唯自
適生事任群兒

早秋題崔業居處

從來席不暖為爾便淹留
鷄黍今相會雲山
昔共遊上簾宜曉景
卧簟覺新秋身事何須
問余心正四愁

烏程楊華明府

策杖政成時清溪弄釣絲當年潘子貌避病
沈侯詩漉酒迎賓急看花署字遲梅楊今熟
未與我兩三枝

徐侍郎素未相識携酒命饌兼命詩
客同訪會稽山居

忽道仙翁至幽人學拜迎華簪窺甕牖珍味
代藜羹洗硯魚仍戲移尊鳥驚蘭亭攀叙
却會此越中營

春日閑居三首

一似桃源隱時令過客迷礙冠門柳長驚夢
院鶯啼澆藥泉流細圍碁日影低舉家無外
事共愛草萋萋

長謠朝復暝幽獨幾人知老鶴兼雛弄叢篁
帶笋移白雲將袖拂青鏡出簷窺邀取漁家
叟花間把酒卮

寂寂池亭裏軒窓間綠苔遊魚牽荇沒戲鳥
數花催小逕僧尋去高峯鹿下來中年曾屢
辟病復遲違

題石室山王君所居

所好栢葉幸加餐石鏡妻將照仙書
來翻藥枕猿飲怕魚竿借問巖前
我
樹柯枝曾掛冠

秋日過僧惟則故院

衰草經行處微燈舊道場門人失譚柄野鳥
上禪牀科斗書空古梅檀鉢自香今朝數行
淚却灑約公房

送王道士

整鳥雙鶴屢飛翔恐入壺中住須傳
後方霓裳雲氣潤石徑木苗香一去何時
見仙家日月長

將移耶溪舊居留贈嚴維祕書

雞犬漁舟裏長謠任興行那邀落日醉已被
遠山迎書履將非重荷衣著甚輕謝生無箇
事忽起為蒼生

山中崔大夫有書相問

家在煙霞裏閑閑逐狎鷗終年常裸足連日

半蓬頭帶月乘魚艇
寒從鹿裘已於人事
少多被掛冠留素業堆千卷清風至一丘蒼
黃倒藜杖偃僂覩銀鈞跡愧巢由隱才非管
樂儔從來自多病不是傲王侯

七言律詩

耶溪書懷寄劉員外

時人多笑樂幽棲
晚起閒行多杖藜
雲色卷舒前後嶺
藥苗新舊兩三畦
偶逢野果將呼子
屢折荆釵亦為妻
擬共釣竿長往後
嚴陵

灘上勝耶溪

山中枉皇甫溫大夫見招書

十年木屐步苔痕
石上松間水自喧
三辟草堂仍被褐
數行書札忽臨門
卧多共息嵇康病
才劣虛同郭隗尊
亞相已能憐潦倒
山花笑處莫啼猿

山中奉寄錢起員外兼簡苗發員外
空山歲計是胡麻
窮海無梁泛一槎
稚子唯能覓梨栗
逸妻相共老煙霞
閨吟麗句驚巢

鶴閒閑春風看落花借問省中何水部今人
幾箇屬詩家

題茅山李尊師山居

天師百歲少如童不到山中竟不逢洗藥每
臨新瀑水步虛時上最高峯籬間五月留殘
雪座石千年隱老松此去人寰今遠近回看
雲壑一重重

獻薛僕射

并序

系家于剡山向盈一紀大曆五年人以文聞

鄴守薛公無何奏系右衛率府倉曹參軍章
所不欲以疾辭免因將命者輒獻斯文
由來那敢議輕微散髮行歌自采薇逋客未
能忘野興辟書翻遣脫荷衣家中匹婦空相
笑池上群鷗盡欲飛更乞大賢容小隱益看
愚谷有光輝

鮑方員外見尋因書情呈贈

少小爲儒不自強如今懶復見侯王覽鏡已
知身漸老買山應作計偏長荒涼鳥獸同三

徑繚亂琴書共一牀猶有郎官來問疾時人
莫道我徉狂

寄浙東皇甫中丞

閒閒麋鹿或相隨一兩年來髮始衰琴硯共
依春酒甕雲霞覆着破柴籬注書不向時流
說種藥空令道者知久帶紗巾仍舊草山中
那得見朝儀

五言絕句

會稽山居寄薛播侍郎袁高給事高

參舍人

稷契今爲相明君復是堯寧知買臣困猶負
會稽樵

張建封大夫奏系爲校書郎因寄此
作

以是煙霞客潭深釣得魚不知芸閣上遺校
幾行書

七言絕句

閒居覽史

長策曾中不復論荷衣藍縷閉柴門當時漢
祖無三傑爭得咸陽與子孫

秋日送僧志幽歸山寺

禪室繩牀在翠微松間荷笠一僧歸磬聲寂
歷宜秋夜手冷燈前自衲衣

題僧明惠房

簷前朝暮雨添花八十真僧飯一麻入定幾
時還出定不知巢燕汗袈裟

山中贈拾遺耿滂兼寄兩省故人

數片荷衣不蔽身青山白鳥豈知貧如今非
是秦時也更隱桃花亦笑人

荅泉州薛播使君重陽日贈酒

欲強登高無力也籬邊黃菊為誰開共知不
是潯陽郡那得王弘送酒來

送洪道士歸山院

霞外主人門不高數枝桃樹藥囊青閒行池
畔隨孤鶴若問多應道姓丁

題贈張道士山居

盤石垂蘿即是家園頭猶看五枝花松間寂
寂無煙火應報朝來一片霞

山中書懷寄張建封大夫

昨日年 白髮新身如麋鹿不知貧時時亦
被群兒笑賴有南山四老人

期王鍊師不至

黃精蒸罷洗瓊杯林下從留石上苔昨日圍
碁未終局多乘白鶴下山來

奉寄晝公

簑笠雙童傍酒船湖山相引到房前芭蕉何
事教人見暫借空牀守坐禪

宿雲門上方

禪室遙看峰頂頭白雲東去水長流松間倘
許幽人住不更將錢買沃洲

即事奉呈郎中韋使君

久卧雲間已息機青袍忽著狎鷗飛詩興到
來無一事郡中今有謝玄暉

附蘇州刺史韋應物答秦十四校書

知掩山扉三十秋
魚鬚翠碧葉牀頭
莫道謝公方在郡
五言今日為君休

山中贈諸暨丹丘明府

荷衣半破帶莓苔
笑向陶潛酒甕開
縱醉還須上山去
白雲那肯下山來

秦隱君集卷終



